

نومرو : ۷۲

اجتهاد

اداره خانه

ایستانبول ، جفال اوغلنده

دائرة اجتهاد

Idjtihad Constantinople

دوردنجی سنه

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرامی صفا

آبونه

سنه لك آلتی آیلق

تورکیا ایچین ۴۰ غروش ۲۵ غروش
ممالک اجنبیه ایچین ۱۰ فرانق ۶ فرانق

نسخه سی ۵۰ یاره

فلسفه - ادبیات

دوقتور عبدالله جودت بکه

بویوک آدا : ۷ تموز ، ۱۳۲۹

عزيز دوقتورم ؟

فلسفه و سوسه ؛ ادبیات زهر خولیا ایله کینجلی
تسمیم ایدن بی لزوم برشی نظریه باقان « ارتوخی » افندی
ویا بکک صوک اجتهادده کی هفته نامه سی سزک واجتهادک
مسلككزله قابل ترفیق اولدیغی ایچون نصل اولوبده
غزته مزده جای قبول بولدیغنه حیرت ایتدم . اکر اجتهاد
مسلكکی دکیشدیردی و بعدما فلسفه و سوسه دییه جک
و ادبیاتی بی لزوم عدایده جکسه مقتون فلسفه و خدمتکار
ادبیات اولان بنده کری خدمت تحریردن عفو بیوریکر ؛
عزيز دوقتورم .

تحسین ناهید

جوابز :

فلسفه حقنده کی فکری سويله مومه و شرح ایتمه
بر وسیله ویردیکیکر ایچین ، تحسین ناهید بک ، سزه
متشکرم . بو تشکرک عقبنده و فلسفه حقنده نه دوشوندیکمی
سويله مومه باشلامدن اول سويلنمه سی لازم بیر باشقاشی
وار : (اجتهاد) ک بیرنجی سبجیه سی حریت اجتهاده
میدان ویرمکدر . بو جهته (اجتهاد) ک صحائفده
کورونن کافه افکار واجتهاد کندی افکار واجتهاد عدا
ایدیله مملی در .

کچن هفته (اجتهاد) ک هفته نامه سی یازان ارتوخی
افندی نک « فلسفه دنیلن علم و سوسه یه ابتلا مز پک
درین در » فقره سی هیچ بیر زمان نم فکر و قناعت استجناس
ایده مز .

نجه ، مفکره فرد ایچین نه ایسه ، فلسفه ده جمعیتلر
ایچین اودر . مفکره سز بر فرد نه در ؟ نه یه یارار ؟
فلسفه اقتدار بشرک مساعد اولدیغی مرتبه ده

موجوداتک کنه و حقیقتلرینه مطلع اولماق در . [*]

[*] (فنون و فلسفه و فلسفه سانه لری) - صفحه ۱۹

عثمانیلرک انقلاب اخیرى ، اکر قادنلرک معاوتی
اولسه یدی ، پک مشکل اوله جق ایدی . قادنلر ؛
قادیقلرینک کندیلرینه بخش ایتدیکی معافیتدن استفاده
ایتدیلر ، خاقان سابق هر طرفه قورمش اولدیغی جاسوس
آغلرندن کچدیلر . انقلابی حاضر لایانلر ، قادیقلر سایه سنده
سهولته خبرلشه بیلدیلر ، دور سابق پولیسنک ترصدا
شدیده سندن قور تولدیلر . انقلابک موفقیتله نتیجه لمه سی
اسباب مهمه سندن بریده قادیقلرک خدمتی در .

بونیده باشقه بر بحث عدایده لم . بالقان محاربه سی زماننده ،
عثمانی خانلرک اظهار و بالفعل اثبات ایتدککری حسیات
وطن پرورانه لری حقنده کی تقدیرات ایله ده مقتخر اولام ،
وصایای نساویونه ده قولاق آصالم ، یا خود آصایالم ، قوانین
طبیعه واجتماعیه یه مطابق اولان و اولمایان جهتلری زهرلیدر ،
ایسترتدقیق ایدلم ، ایسترتدقیق ایتمه یلم ، انجق دوشونه لم که :
قادیقلر مزک ، هر شیدن اول ، تنویر و تقویه سنه چالیشمق
کافیمی ، یوقسه حیات اجتماعیه و اقتصادیه مزده - بوکون
معطل بر حالده بولونان - مساعی نساوانی مفید قیله بیله جک
تدبیرلر مراجعت ایتک ، قادیقلر ، هیئت عمومیه نک یعنی
ملتک فعال اللرینی تزید ایله مک ، ملتک نصفی معطلیتدن
قور تارمق ایچون ، کندیلرینه مسدود اولان ساحه فعالیتی
بر آن اول - وصایای نساویونی زهر آلود کورن ارباب
فکر و عرفانمزک مساعده و تنسب ایده جککری درجه ده
اولسون - کشاد ایتک لازم دکلی ... یعنی حیات ،
مات مسئله سی قارشیدنده صبر و تائی ممکنمی ؟ ... محاربه سز
مظفریتلر تأمین ایدن فعالیت اقتصادیه یی ، بز ، قادیقلر
باشه چیقاره بیله جکمز دن - بو قدر کچ ، بو قدر زبون ،
بو قدر قابلیتسز و معلوماتسز قالدیغمز حالده - ینه امید
وار ایسه ک ایشته اشتراک ایده میه جکمز ، بسلیه میه جکمز
بوامیددر ...

محمد صادق



بن مکتب لر مزدن ادبیات سزانی طرد ایتمک طرفداری یم. مشابهنمز هرا یکیمز کده طرد ایتمی ایسته مه مزده در. بن

قیز اوغلان نازی نازک شهوند آوازی آوازک

بلا سین بن ده بیلم قیز میسین اوغلان میسین کافر

یولنده ادب سز لکبره یاقین لوئیات منظومه ویا منثور ه ی موضوع بحث بیل ایتمک ایسته م .

فلسفه یه دائر بیر ملاحظه ماها واردی. ادبیات دن بحث ایدر کن خاطریه کلدی: ارتوخی افندی (ناپوله ئون بوناپارت) ک بیر سوزی شهاد ایدیور . ناپوله ئون « بیر فیلسوف هیچ بیر زمان آدم اولماز » دیمش .

کچن سنه چیقان (اجتهاد) نسخه لرینک بیرنده ناپوله ئونک بعض اقوالی میانده بو سوزی ده قویمیشدق . او زمان (بوناپارت) ک بو سوزینک آلتنه شو ملاحظه یی علاوه ایتشدم: « فیلسوف آدم اولماز چونکه فیلسوف آدم لک فوقده در . آدم اولماق له تنزیل صنف حقارتنه اوغرامش ویا قاتلامش اولور . »

فقط بو ملاحظه ، سهو مرتب اولارق درج اولونما مشدی .

شیمدی تکرار ادبیات بحثنه رجعت ایدیورم . ادبیات ک غایه سی ، موضوعی روحلرده حب معالی یی تشکیل و تزیید ایتمک « کوزل » ، « ای » یه ، « دوغرو » یه دوغرو انسانده صمدانی بیر شائقه او یاندر ماق در . غایه و موضوعی بو و بویه اولان ادبیات مکتب لر مزدن طرد اولونمیشدر ، دیمک دوغرو دکل ، مکتب لر مزه اوغرا تیلما مشدر بیا . متمدن مملکتلرک « ژیمناز » مکتب لر نده سنه لر جه (شکسپیر) تدریس اولونور ، شرح اولونور ، تفسیر اولونور . هانکی مکتب لمزک پروغرا منده (شکسپیر) ک تقدیر و تحلیل آثارینه دائر بیردرس واردر ؟ بنم ادبیاتم « پروتوس » لر ، « بورچیا » لر ، « آشیل » لر ابداع ایدن ادبیات در . بن تورانه دکل عرفانه کیتمک ، اذغانه کیتمک سامانه کیتمک ایسته رم .

(کتاب التعریفات) مؤلفنک فلسفه تعریفی تماماً فکر واجتهاد مزه موافق و مطابق اولان بیر تعریف در :

سید شریف علی بن محمد الجرجانی شویله سویله یور: فلسفه ، طاقت بشرک مساعد اولدیغی درجه ده سعادت ابدیه تحصیلنده اللهه بکزه مک در . نته کیم پیغمبر (ص . ع) اللهک اخلاقیه تخلیق ایدیکز ، دییه امر ایتمشدر ، که احاطه معلوماته و جسمانیات دن یعنی حیوانیات دن تجرد ایتمکده اللهه بکزه یگزه ، بیورمشدر .

غرب فیلسوف لر دن Jacoby نک Les hommes descendent des animaux et ils sont destinés à devenir des Dieux . »

کلام مشوری - که انسانلر ، حیوانلر دن تورلر و خدا اولاجاقلدر . یعنی انسان حیوانیت دن ، الهیته ؛ ناسوتیت دن ، لاهوتیه کیدرلر ، دیمک در - عینی فکر ونظری محتوی در .

هله شو حدیث شریف فلسفه نک اهمیت عالیه سنی اک قطعی بلا غتله سویلر اعتقادنده یم :

« فلسفه قرباندر ، علم ارنک اردوسی در . قرباندر انسر اردو ایچین فرزند سلاطین یوقدر . کنجبری فلسفه یی ضایع ایتسه اولاره بیر ملت نه بویوک ضیاعره در . » [*]

فلسفه ، معلومات و تجاربی تلفیق ، تحلیل ، ترکیب ایدرک عمومی نتیجه لر ، قاعده لر ، قانون لر کشف و تدوین ایتمک علمیدر . بو علمه ناصل علم وسوسه دییه ییلیرز . اگر فلسفه ارتوخی افندی نک اجتهاد نجد وسوسه علمی ایسه بوندن نه فلسفه نک قدر و قیمتی آزالیر ، نده بو طرز تلقی یی احتوا ایتدیکندن طولانی (اجتهاد) ک طرز مؤسس اجتهادی دکیشمش اولماق لازم کلیر .

ارتوخی افندی عینی هفته نامه سنده ادبیات ی مکتب - لردن طرد ایتمک فکری نه ایلهری سوریور . بلکه بو خصوصده اونکله بیر بکزر لکمز واردر : شو صورتله که

قارشیمه چیقان کنجلری، صاحبلری تام ایکی ساعت اعتنا صرفیه طارانش لاوانطالانش کورمش ایسته مه یورم: اللرده ناصر، کوزلرده عشق کوشش کورمه لییم.

مکتب ابتدائی لرمز مکتب ابتدائی لک دن بیر آن اول قورتولسه بومعظم امل، چوق زمان کچمه دن، حاصل اولور. کنجلرده واختیارلرده کوره جک برکوز وارسه ملتک روحنک قتل اولوندینی مکتب ابتدائی لریزی کورسونلر. بنم «یکی توران» مه کیتمک ایچین پاساپورط بومکتب لردن آلیناجاق، حالبوکه شیمدی بومکتب لرده اولاد وطنه ذلت، انقراض، سفالت پاساپورطی ویریلور و انسال آتیه مزک روحنه مؤبد زئیرلر صاریلور. «ایشته بنم فلسفه وادیات حقنده کی تعظیم و عبودیتک درجه سنی بوسطرلردن آ کلایک.

فلسفه انسانیتک دماغیدر؛ ادبیات انسانیتک قلبی در. قلبسز بیر وجودده دماغ و دماغسز بیر وجودده قلب انجاق میت حالنده بولونابیلیر.

۲۱ تموز ۱۹۱۳ درقنور عبداله میردت

قونت آلفیه رینک کنجلیکی

آلفیه رینک تورینو آقاده میاسی تحصیلنه حصر ایتدیکی صحیفه لردن:

«تکمیل فکرلر محدود، باطل، مظلم ایدی. کیمک روحنده تعلیم ایدلایکینه دائر هیچ بر هدف، و کیمه اوکره تیلدیکی حقنده هیچ بر حرارت یوقدی. تماماً یک معیوب «صیاع ایام» ایدک. بزه هیچ کیمسه تقید ایتمه یوردی. کیمی یتیشدیردیکی حقنده. هیچ بر معلمک، هیچ بر فکری یوقدی. ایشته بویه بر اصول تحتنده کنجلکه دوا ناپذیر برخیا ناپایلمش اولو یوردی. «۱۷۵۹ سنه سی هان تماماً بوسورت تحصیل ایلکچدی. تشرین ثانییه دوغرو اومانیتیه صنفنه [جیمناست دردنچیسنه] کچیریلدم. بوراده خوجا: دون آما تیس ایدی. بوراپاس که: چوق ذکی، عقلای، و کافی درجه ده معلوماتلی در. بونک

کچن کون بیرکنج کلدی. توالته حیران و گریان اولدم. بیرمقاله ایسته یور. (یکی توران) اسمیله بیرمجموعه نشر ایده جکز. افندی مزدن بیرمقاله استرحامنه کادم «دیدی. بوکنج یکی شدتله مطالعه ایتدم. طاغیر آشراق، مانع لر، دویره رک «توران» کیده جک بیر یولجی حال و سیاسی بهوده آرادم، او طور ماسنی و بش دقیقه بکله مه سنی رجا ایتدم.

او او طور دی. هیچ برشی او قوماق ایسته مکسزین متحرک کتبخانه نک اوستنده و کوسلرنده بیر نظر التفات و تتبع بکله یین کتابلردن، مجموعه لردن هیچ بیرینه التفات ایتمکسزین او طور دی. بیر «آندرومه د» هیکلای کیبی طور دی.

بن سرعتله شوسطرلری یازدم:

«یکی توران.. بوندن بنم آکلادیغ، تورک لک ایلاک وطنلری اولان خطه در؛ بوموطن اولینی کندیمزه یکی بیر محراب، یکی بیر کعبه. یکی بیر قدس الاقداس یا پماق ایسته یورلر. ظن ایدیورم که تورانی ده (یکی توران) ی ده بویه آکلایانلره «یکی توران» مبارک اولسون! بن کنجلره بامباشقا بیرکی توران کوسته ریرم: کوستردیکم بو (یکی توران) ک «سیمبول» ی چکیج و صبان در. بنم آکلادیغ یکی توران او روپانک، آمه ریقانک، ژاپونیا نک دار الفونلرندن، فابریقالرندن کچیلره رک کیدیلیر. بنم یکی توران مک باشقا هیچ بیر طریق یوقدر. بانا و بنم نظر مک اصابتنه اعتماد ایدن کنجلر بونی ای بیلسینلر: وطن حر و محترم اولاراق یاشانیلان یردر. جاهل و زوکورت آدم حریت و عزت کورمز.

فیلسوف لردن بیرى جمهوریته مالک اولمازدن اول جمهورى بیر شیئه مالک اولالم، دیوردی جاهل و فقیر بیر آدم دکل بیر وطنه، کندی کندینه بیله مالک دکل در. کندی کندینه مالک اولمایان بیر درمانده نک حکمدارلق خولیا سنده بولونماسنه ویریه جک صفی بوراده تعیین ایتک ایسته م.